

autem libellus eiusdem Ciceronis, qui ita inscribitur:  
Edictum Lucii Racilii tribuni plebi, quod sub  
nomine ipsius Cicero scripsit in invective P. Clodi.

§ 78. Illo S. C. quod in monumento Marii factum est.

In templo scilicet Honoris et Virtutis, in quo actum 5  
primum videtur de restitutione Ciceronis.

Quo quidem etiam magis sum non dicam  
miser — nam hoc quidem abhorret a virtute  
verbum — sed certe exercitus.

... Hanc sententiam secundum illos philosophos intulit, 10  
qui existimaverunt semper beatos esse sapientes, numquam  
[non] miseros existimandos ac, si quid adversi prudentibus  
eveniret, non poenam magis et calamitatem quam exerci-  
tationem esse fortunae.

§ 83. Hic etiam addidisti me idcirco mea lege 15  
exilio ambitum sanxisse, ut miserabiliores epi-  
logos possem dicere.

Varia cavillatione Laterensis exercuerat asperitatem  
stomachi sui in M. Tullium, ut etiam ea, quibus illius  
oratio maxime floruit, elevare ... perseveraret. Nec 20  
ignoramus auctore ipso Cicerone et C. Antonio cons.  
legem severiorem de puniendo ambitu scriptam, cuius  
meminit pro Murena; nam clementior aliquatenus vide-  
batur lex fuisse Calpurnia. Hinc ergo mutuatus est  
occasiunculam quandam amarius lacessendi, ut videretur 25  
atrociorum poenam eapropter adversus ambitum decrevisse,  
ut pro reis multo lacrimosius peroraret. Non minus  
tamen urbane et ipse respondet denotans nimiam Laterensis  
et inmoderatam contumeliosae audaciae insolitatem dicendo:  
*Sed haec nescio quomodo frequenter in me congesisti sane-* 30